

尚書今古文注疏

酒誥第十六 周書七 尙書今古文注疏卷十六

賜進士及第授通奉大夫山東督糧道加三級孫星衍撰

注 史遷說周公且懼康叔齒少告以紂之所以亡者以

淫於酒酒之失婦人是用故紂之亂自此始故謂之酒

誥以命之 **疏** 史公說見衛世家云告以紂之所以亡者

都所處也其民尤化紂嗜酒是也周公作此篇在東征

之後周本紀云初管蔡畔周周公討之三年而畢定故

初作大誥次作微子之命次歸禾次嘉禾

次康誥次酒誥梓材其事在周公之篇

王若曰 **注** 王一作成王三家云王年長骨節成立馬融

曰言成王者未聞也俗儒以為成王骨節始成故曰成

王或曰以成王為少成二聖之功生號曰成王沒因為
謚衛賈以為戒成康叔以慎酒成就人之道也故曰成
此三者吾無取焉吾以為後錄書者加之未敢專從故

曰未聞也鄭康成曰成王言成道之王 **疏**三家者歐陽

引見書疏據釋文引馬注則衛賈亦有成字呂氏春秋
下賢篇云文王造之而未遂武王遂之而未成周公旦
抱少主而成之故曰成王是秦已前書說亦同或說少
成二聖之功也馬注見釋文云慎酒成就人之道者說
文云酒就也所以就人性之善惡也云後錄書者加之
者江氏聲云馬言是也蓋此篇之誥成王親之史氏從
後加成字以別異於康誥之周公代誥也段氏玉裁云
魯世家曰管叔及羣弟流言於國曰周公將不利於成
王周公乃告太公召公曰武王蚤終成王少誠伯禽曰
我文王之子武王之弟成王之叔又曰必葬我成周以

明吾不敢離成王詳玩此等皆實生稱成王如湯生稱
武王之比三家之說固可信也偽孔刪去成字大非馬
氏云後錄書者加之亦非也顧命云成王崩馬注曰安
民立政曰成蓋謂死諡非生稱不知初崩未有諡春秋
之例曰公薨至葬而後曰葬我君某公

明大命于妹邦

注馬融曰妹邦即

牧養之地鄭康成曰妹邦紂之都所處也于詩國屬廓
故其風言有沫之鄉則沫之北沫之東朝歌也其民尤

化紂嗜酒今祿父見誅康叔為其連屬之監

疏馬注見

妹邦即牧養之地者段氏玉裁云謂妹邦即牧野也以
妹同妹鄭注見詩桑中疏及衛風譜疏云妹邦紂之都
所處者水經注淇水又南合泉源水水有二源一水出
朝歌城西北東南流其水南流東屈逕朝歌城南晉書
地道記曰本沫邑也殷王武丁始居之為殷都也紂都
在禹貢冀州大陸之野即此矣有糟丘酒池之事焉有

新聲靡樂號邑朝歌是也云于詩國屬鄆者春秋左氏
定四年傳子魚曰康叔取於有閭之上以其王職濁與
鄆聲近書母若火始庸庸一作澁澁是有閭卽鄆國也
說文鄆故商邑在河內朝歌以北則沫北爲鄆也對北
則妹鄉爲鄆在南妹東爲衛矣故鄭言妹之北妹之東
朝歌也云化紂嗜酒者紂都有糟丘榭池民染其習以
爲俗云康叔爲連屬之監者王制云五國以爲屬屬有
長十國以爲連連有帥是連屬皆諸侯之長兼統數國
者也鄭詩譜云自紂城而北謂之鄆南謂之鄆東謂之
衛又言更于此二國建諸侯以殷餘民封康叔于衛使
爲之長後世子孫稍并彼二國是鄭以康叔未有鄆鄆
妹旣屬鄆非康叔之邑而明大命于其處故說其得統
之由以爲其連

乃穆考文王肇國在西土
疏穆考者周
屬之監故也

曰后稷始基靖民十五王而文始平之注云十五王謂
后稷不窋鞠公劉慶節皇僕差弗毀隤公非高圉亞圉
公叔祖類太王季文王案自始祖后稷計之文王次
當穆詩載見云率見昭考傳云昭考武王也武王爲昭

是文王為穆考也肇者釋詁云始也國在西北謂厥誥

豐邑詩文王有聲云作邑于豐今陝西咸寧縣地

庶邦庶士越少正御事朝夕曰祀茲酒

疏 庶同必廣

必敕也王氏念孫云此越當釋為敕誥庶邦者文王為

雍州伯南兼梁荆故得總告眾國也庶士者士之言事

總謂朝臣少正者正人之副鄭有少正公孫僑魯有少

正卯周書有大正正刑書御事凡朝臣皆御治事者論

衡語增篇云酒誥之篇朝夕曰祀茲酒此言文王戒慎

酒也朝夕戒慎則民化之祀茲酒謂文王不飲而敬祭

此酒曲禮云祭食祭所先進注祭祭先也君子有事不

忘本也公食大夫禮云祭飲酒于上豆之間是古有祭

飲酒之禮文王但祭之不崇飲也或為誥勅惟天降命

眾邦羣臣朝夕戒之言惟祭祀可用此酒耳

肇我民惟元祀 惟者釋詁云思也命者廣雅釋詁云

酒名之始我民當思祀其始作酒者書疏引世本云儀

始命我民知作酒者惟為大祀元大也天降威我民用大亂喪德亦罔非

酒惟行越小大邦用喪亦罔非酒惟辜辜者釋詁云

威罰者我民以大亂喪其德惟無非以酒亂行也于小大之國所以喪亡者亦無非以酒為辜也文王

誥教小子有正有事無彝酒注正一作政疏彝者釋詁

子謂康叔韓非子說林紹續味對宋君曰康誥曰無彝酒彝酒常酒也常酒者天子失天下匹夫失其身鄭注

周禮萍氏引此文正作政疏云有政之大臣有事之小臣彝常也不得常飲越庶國飲惟祀

德將無醉注大傳說天子有事諸侯皆侍尊卑之義宗

室有事族人皆侍終日大宗已侍於賓奠然後燕私燕

私者何也已而與族人飲也又說故曰飲而醉者宗室

之意也德將無醉族人之志也是故祀禮有讓德施有

復義之至也

疏

將者廣雅釋言云扶也大傳宗室已下見儀禮特牲注引尚書傳詩湛露疏引

書傳畧同有脫字鄭注云事謂祭祀大宗謂卿大夫以下宗室大宗之家也言眾邦惟祀事侍于天子或飲于

大宗得飲又當以德相扶持不至于醉

惟曰我民迪小子惟土物愛厥心

臧聰聽祖考之彝訓

疏

迪者方言云正也土物者土所生之物謂黍稷淇範云土爰稼

穡禮器云故天不生地不養君子不以爲禮注地不養謂非此地所生臧者釋詁云善也言非祀無敢遊飲惟

欲正我民汝封當愛惜土地所生之物以善其心聰聽祖考之常訓謂酒以糜穀當愛惜也

德小子惟一

疏

言大德不踰閑小德亦無出入思其純一

妹土嗣爾股肱純

其藝黍稷奔走事厥考厥長

疏

嗣者韋昭注魯語云世也純者賈逵注晉語云

專也藝當為執見說文黍者說文云禾屬而黏者也以大暑而種故謂之黍稷者說文云齋也五穀之長齋或作粢秫稷之黏者或作木案漢人謂稷為粟米今俗謂之小米越絕書云甲貨之戶曰案為上物乙貨之戶曰黍為中物古者貴黍稷喪大記疏云案公食大夫禮黍稷為正饌稻粱為加是稻粱卑於黍稷故舉五穀以黍稷言之也言妹土之人世為爾股肱

當專務種其黍稷奔走事其父兄也
肇牽車牛遠服買用孝養厥父母厥父母慶自洗腆致用酒
注馬融曰洗

盡也
疏肇者釋言云敏也注引此廣雅釋詁云肇亟也服者釋詁云事也慶者詩傳云善也洗者韋注

周語云濯也洗音近酒說文洗滌也腆者說文云設膳腆腆多也古文作魯白虎通商賈篇云商之言商其遠近度其有亡通四方之物故謂之商也買之言固固有其物以待民來以求利也書曰肇牽車牛遠服賈用遠行可知也方言欽厥父母欲留供養之也王氏鳴盛云據商賈之義本不同今以牽車遠行之商謂之買者欲

見畱養父母之義也經言亟牽車牛遠為商賈之事以
孝養父母及父母善慶自滌器設膳致用此酒馬注見
釋文云洗盪者盪盪盪字
之誤說文云盪滌器也 庶士有正越庶伯君子其爾

典聽朕教

疏

庶士見上有正庶伯正伯皆長也君子者

通稱也典者釋詁云常也欲令
衆士正長大德之人常聽朕教爾大克羞者惟君爾乃

飲食醉飽

注

大傳說古者聖帝之治天下也五十已下

非烝社不敢遊飲六十已上遊飲也

疏

釋詁云克能也

言云老也飲食鄭注周禮云燕饗也周禮酒正凡饗者
老孤子皆共其酒無酌數注云要以醉為度古者天子
諸侯皆有養老之禮言爾大以賢能進為考老惟君使
爾飲食醉飽大傳說見大戴禮立事篇注云六十已上
遊飲者王制云六十養於國又云六十
不與服戎六十不親學故可遊飲也 丕惟曰爾克永

觀省作稽中德**疏**不辭也稽者鄭眾注周禮小宰云合也鄭注樂記云三老五更互言之耳

皆老人更知三德五事者也言爾能久觀看省察于事

理將於爾所為稽合於中道內則云兄養老五帝憲三

王有乞言注云憲法也養之為法其德行爾尙克羞饋祀**注**鄭康成曰饋祀

助祭于君爾乃自介用逸茲乃允惟王正事之臣茲亦

惟天若元德永不忘在王家**疏**尙者釋言云庶幾尙也饋者次選祭顏光祿文

注引蒼頡云祭名也高誘注國策云吳謂食為饋祭鬼亦為饋古文通用讀與饌同鄭注籟人云饋食薦孰也

介者釋詁云右也逸者薛綜注東京賦云樂也若者釋言云順也元者韋昭注晉語云善之長也言爾庶幾以

賢能進與於饋食祭祀之列爾乃自右助用為燕樂之

賓此乃信惟王有政有事之臣此亦惟天順善德長不

在

王曰封我西土棐徂邦君御事小子尙克用

文王教不腆于酒故我至于今克受殷之命

疏 釋詁云 裴備也

徂存也腆者廣雅釋詁云美也言汝封當念我西土輔臣惟在邦君治事爾小子庶幾能用文王之教不美于

酒故我至今 能受殷大命 王曰封我聞惟曰在昔殷先哲王迪畏天

顯小民經德秉哲自成湯咸至于帝乙成王畏相 **注** 易

說書之帝乙六世王先儒皆以為紂父

疏 在者釋詁云 察也哲者說

文云知也迪同攸見上疏顯者廣雅釋詁云明也經德者孟子盡心云經德不回注云經行也秉者釋詁云執也哲者說文作哲云敬也咸者釋詁云皆也王告康叔以察昔殷先賢知王所畏天命下及小民惟行其德執其敬自成湯至於帝乙成成就王道敬畏輔相也周語叔向日詩曰成王不敢康注云謂修己自勸以成其王功亦以成王為成王功易說見乾鑿度鄭注檀弓云易說帝乙曰易之帝乙為成湯書之帝乙六世王考殷

本紀湯子太丁太丁子太甲太甲子沃丁沃丁弟子小
甲小甲弟子仲丁仲丁弟子帝祖乙帝祖乙立殷復興
不數兄弟相及則祖乙為湯已後六世孫也先儒注見
檀弓疏云先儒皆以酒誥帝乙紂父者此先儒即是賈
馬鄭與易說異殷本紀湯至帝乙十六世帝乙無道為
偶人謂之天神與之博令人為行天神不勝乃謬辱之
為革囊盛血仰而射之命曰射天武乙獵於河渭之間
暴雷武乙震死則帝乙非命主故易說以為祖乙也

惟御事厥棐有恭不敢自暇自逸矧曰其敢崇飲疏者暇

釋詁云惶暇也逸者詩箋云豫也矧者釋詁云況也說
文正作矧崇者薛綜注東京賦云興也言殷先王時於
治事之臣其輔臣皆有恭敬不
敢寬暇逸豫况復興飲酒之事越在外服侯甸男衛邦
伯疏周語云先王之制邦內甸服邦外侯服侯衛賓服
注云甸王田也服服其職業也自商以前并畿內
為五服邦外邦畿之外也方五百里之地謂之侯服侯
服侯圻也衛衛圻也言自侯圻至衛圻其間凡五圻圻

五百里五五二千五百里中國之界也五圻者侯圻之

外日甸圻甸圻之外日男圻男圻之外日采圻采圻之

外日衛圻據此是衛上有采康誥曰侯甸男采衛經文

蓋省采字邦伯者王制云千里之外設方伯五國以為

屬百一十國以為州州有伯八州八伯注云伯帥殷之

州長日伯虞夏及周皆日牧又云八伯各以其屬屬於

天子之老二人分天下以為左右二伯此那伯未必是

二伯蓋即方伯也白虎通爵篇云尚書曰侯甸任衛作

國伯今文尚書男作越在內服百僚庶尹惟亞惟服宗

任邦作國又多作字越在內服百僚庶尹惟亞惟服宗

工越百姓里居疏釋詁云僚官也師衆也釋言云尹正

惟服謂任事者其士與宗工謂宗罔敢涵于酒注鄭康

人百姓里居謂百官致仕家居者罔敢涵于酒注鄭康

成日飲酒齊色日涵不惟不敢亦不暇惟助成王德顯

越尹人祗辟疏涵者說文沈於酒也引此文沈與醜聲

相近說文醜樂酒也釋詁云祗敬也辟

越尹人祗辟疏涵者說文沈於酒也引此文沈與醜聲

相近說文醜樂酒也釋詁云祗敬也辟

法也言內外諸侯臣工皆無敢嬉樂于酒不惟不敢亦
 有正事無暇及飲惟助君成就王德使之顯著至於正
 人敬法無敢慢者鄭注見詩蕩疏云飲酒齊色者詩蕩
 云天不湏爾以酒箋云天不同汝顏色以酒齊同義祖
 近我聞亦惟曰在今後嗣王酣身

太平御覽四百九厥命罔顯于民祗保越怨不易

釋詁云安也不易不改也言紂之命令無可顯著為民
 所敬如先王之德顯使尹人祗辟徒安於怨不改其所
 為祗字屬上句讀偽傳云所敬所安不詞也論衡禮告
 篇云紂為長夜之飲文王朝夕日祀茲酒非疾之者宜
 有以改易之是說誕惟厥縱淫泆于非彝用燕喪威儀
 此經不易之意也

民罔不盡傷心疏

淫者王逸注楚詞云游也泆者同佚
 廣雅釋詁云樂也燕者詩傳云安也
 威者釋言云則也盡者說文云傷痛也引此文殷本紀
 云紂大最樂戲於沙土以酒為池縣肉為林使男女裸

相逐其間為長夜之飲故言大惟其縱遊佚惟荒腴于
於非法用安樂喪其威儀民無不痛傷心者惟荒腴于
酒不惟自息乃逸厥心疾很不克畏死辜在商邑越殷

國滅無懼

疏

荒者詩傳云大也腴者廣雅釋詁云美也
息者詩傳云止也逸者釋言云過也疾者

詩箋云疾害很者說文云很斂也懼即離俗字易九家
注云離附也鄭注月令云離讀如儷偶之儷言紂惟大
美於酒不思自止其過其心疾害乖戾恃有命在天不
能畏死罪在商邑於殷邦喪滅無附麗之者白虎通京
師篇云京大師衆也天子所居故大衆言之夏曰夏邑
殷曰商邑周曰京師尚書曰在商邑謂殷也是說此經
之義弗惟德馨香祀登聞于天誕惟民怨庶羣自酒腥聞
在上故天降喪于殷罔愛于殷惟逸天非虐惟民自速

辜**疏**

馨者說文云香之遠聞者庶者釋詁云衆也逸者
釋言云過也速者詩傳云召也周語云國之將興

其德足以昭其馨香國之將亡其政腥臊馨香不登注云馨香芳馨之升聞者也腥臊臭惡也登上也芳馨不上聞於天神不饗也傳曰黍稷非馨明德惟馨正同此義也言無德馨升聞於天大惟民怨及衆羣臣用酒臭達於上故天下喪亡之禍於殷而勿愛王曰封子不惟之惟紂之過天非暴虐惟人自召罪耳

若茲多誥古人有言曰人無于水監當于民監今惟殷墜厥命我其可不大監撫于時

疏 監者釋詁云視也墜俗字當爲隊說又云

隊從高隊也撫者鄭注曲禮云猶據也時者釋詁云是也告康叔言我不徒如此多誥欲其有所法式引古人言視水不如視民也史記殷本紀引湯征湯曰人視水見形視民知治否又告以今惟殷隕喪其大命我其可不據此以大子惟曰汝劼毖殷獻臣也引此文讀若爲鑒戒乎 賈楚同必廣雅釋詁云必 侯甸男衛矧太史友內史友 勅也獻者釋詁云聖也

注鄭康成曰太史內史掌記言記行越獻臣百宗工矧

惟爾事服休服采**注**鄭康成曰服休燕息之近臣服采

朝祭之近臣**疏**太史友內史友俱讀為右覲禮太史

釋詁云右比也言左右史尤比近於王故曰友宗工尊官詩傳云宗尊也工官也事者詩傳云士事也鄭注

太史內史云云見王制疏云太史內史掌記言記行者

玉藻云動則左史書之言則右史書之疏引熊安期疏

云太史記動作之事在君左廂記事則太史為左史也

內史所掌在君之右故為右史鄭注服休服采云云見

書疏云服休燕息之臣者說文休息止也服采為朝祭

之臣者魯語云天子大采朝日少采夕月注云虞說日

大采衮職也少采黼矧惟若疇圻父**注**鄭康成曰順壽

衣也蓋掌朝祭之服**注**鄭康成曰順壽萬民之圻父圻父謂主封畿之事疇一作曷**疏**鄭注見詩祈父

疏云若順者釋言文云圻父主封畿之事者詩傳云圻父司馬也職掌封圻之兵甲嘯聲近壽圻音近畿春秋穀梁隱元年傳云天子畿內釋文云畿本作圻故鄭以圻為封畿詩所父箋引此文聘作馬釋文云屬姓古嘯

字或**薄違農父** **注**馬融曰違行也 **疏**馬注見釋文云違作壽 **薄**與回聲相近薄者方言云勉也秦晉或曰薄故其鄙若

語曰薄努猶勉努也言勉去其邪行謂司徒之職 **若**

保宏父定辟矧汝剛制於酒 **疏**保者詩傳云安也宏父

也詩傳云空大也宏與空俱訓大故宏即空也辟者說文云法也剛者廣雅釋詁云強也制者鄭注王制云斷

也言汝慎勅殷之賢聖臣在侯甸男衛之服者其惟太史內史於賢聖臣百尊官其惟爾之士有事休息采服

之臣其惟順壽衆民之司馬勉行衆民之司徒順保衆民之司空俱有定法汝其剛斷於酒矧詞也偽傳俱說

非為況 **厥或誥曰羣飲以勿佚盡執拘以歸於周予其殺**

注拘一作**柯****疏**失與失聲相近說文失縱也殺同繫方

日周公殺管叔而繫蔡叔杜注云繫放也拘作柯者說

文云柯搗也周書曰盡執柯繫傳作柯獻多一字言其

告者云有羣飲者汝勿縱舍盡執又惟殷之迪諸臣惟

而指搗之以歸於周子其放散之

工乃酒於酒勿庸殺之姑惟教之有斯明享**注**鄭康成

日斯析也**疏**迪者釋話云進也詩傳云工官也庸用也

詩傳文享者易隨云享于西山釋文引陸注云祭也言

告者雖欲誅羣飲者又當思惟殷進用之臣工俱沈於

酒民俗染之我勿用為罪且先教之又分

析其羣飲之故或由享祀則勿罪原之乃不用我教

辭惟我一人弗恤弗蠲乃事時同于殺**疏**恤者說文云

傳云潔也言汝不用我教令我不能收恤王曰封汝與

汝汝又弗潔乃政事是同於放殺之罪

聽朕此勿辯乃司民酒于酒

疏

典者釋詁云常也此同必廣雅釋詁云常也此辨

者廣雅釋詁云使也詁康叔言當常聽我敷勿使汝司
民之人沈於酒也揚子法言問神篇云昔之說書者序
以百而酒誥之篇俄空焉今亡夫困學記聞引藝文志
云劉向以中古文校歐陽大小夏侯之家經文酒誥脫
簡一謂俄空即脫簡之謂而大傳引酒誥王曰封惟日
若圭璧今無此句疑所脫即此等句

梓材第十七 周書八 尙書今古文注疏卷十七

賜進士及第授通奉大夫山東督糧道加三級孫星衍撰

注 史遷說周公且懼康叔齒少為梓材示康叔可法則

疏 梓者梓人史記正義曰若梓人為材君子觀為法則也梓匠人也大傳云伯禽與康叔見周公三見而三

答康叔有駭色謂伯禽曰有商子者賢人也與子見之

乃見商子而問焉商子曰南山之陽有木焉名曰橋二

三子往觀之見橋實高高然而上反以告商子商子曰

橋者父道也南山之陰有木焉名曰杼二三子復往觀

焉見杼實晉晉然而循反以告商子商子曰杼者子道

也二三子明日見周公入門而趨登堂而跪周公仰拂

其首勞而食之曰爾安見君子乎二子以實對周公曰

君子哉商子也此事亦見說苑建本篇論衡譴告篇大

傳所云即史公說示康叔可法則者與

經義絕不同或今古文異說附存之

王曰封以厥庶民暨厥臣達大家以厥臣達王惟邦君

注鄭康成曰于邑言達大家于國言達王與邦君王謂

二王之後疏暨者釋詁云與也達者說文云通也家者

卿之采地又注周禮家司馬敘官云家卿大夫采地蓋

大夫稱家卿稱都對文則然散文則可總言家人家如

孟子離婁言巨室也鄭注見書疏云于邑言達大家者

大家皆有采邑故曰于邑謂國中之邑也云于國言達

王與邦君者王與邦君各君其國故云于國是通他國

言也云王謂二王之後者以王與邦君並言則王非謂

徒司馬司空尹旅

疏

若者釋言云順也固者釋詁云常也越同粵釋詁云於也師師者上

天子故以為二王後江氏聲云惟邦君惟當為暨康叔

汝若恒越曰我有師師司

所治當有卿大夫采地又其所職乃當州之牧故得統

領二王之後與列邦之君通

達者言當通達上下之情

師釋詁云衆也下師鄭注周禮云猶長也尹正旅衆俱
釋詁文言汝當順常於以告其衆長三卿大夫士江氏
聲云尹謂大夫族謂衆士也鄭注內則云諸侯并六卿
爲三或兼職焉案兼職者王制疏引崔靈恩疏云三卿
者依周制而言謂立司徒兼冢宰之事立司馬兼宗伯
之事立司空兼司寇之事故春秋左傳云季孫爲司徒
叔孫爲司馬孟孫爲司空所告曰子閔厲殺人亦厥君
謂下無虐殺人及先敬勞之言曰子閔厲殺人亦厥君
先敬勞肆徂厥敬勞疏厲者周書諡法解云殺戮無辜
告其臣以子無敢虐殺人亦當自其肆往姦宄殺人歷
君先之以敬勞民今汝往其敬勞之肆往姦宄殺人歷
人宥肆亦見厥君事戕敗人宥注馬融云戕殘也戕敗
人宥一作彊人有疏歷者廣雅釋詁云過也見猶效也
效羊注云效猶呈見言汝今往有姦宄及殺人者其所
過歷之人不當同罪汝今亦效其君敬勞之事殘壞人

不至死者不當坐以殺人之罪俱原情寬宥之若律容
止逃亡罪止徒知情藏匿罪人減罪人罪一等漢法殺
人者死傷人及盜抵罪也墨子尚同篇引泰誓云小人
見姦巧乃聞不言也發罪鈞鈞均也蓋紂法見姦不言
事發同罪故周公以姦宄殺人歷人宥誥康叔革紂法
也馬注見釋文周禮大司馬疏引作鄭注云牝殘者詩
十月之交箋同牝敗人宥論衡効力篇引梓材曰
曠人有王開賢厥率化民蓋今文也義見下疏 王啓

監厥亂為民

注

一作王開賢厥率化民

疏

啓者說文云

詁云治也監者周禮太宰立其監注云監謂公侯伯子
男各監一國引此文言王教諸侯使監視其治皆為民
也啓作開監作賢亂作率為作化者論衡効力篇云梓
材曰曠人有王開賢厥率化民說之云此言賢人亦壯
強於禮義故能開賢其率化民化民須禮義禮義須文
章行有餘力則以學文能學文有力之驗也此今文說
以戕為曠宥為有者說文云能獸堅中故稱賢能而曠
壯稱能傑也是知曠人為曠壯人謂賢傑也中庸子路

問強又云發強剛毅足以有執是強為美德也開者韋昭注晉語云通率義同帥王開賢厥率化民者言強能者有為王所通達之賢任其督帥化民之事漢舊儀丞相御史大夫初拜策曰往悉乃心和裕開賢用此經文和裕當為宏裕和與從弓從人之字形曰無胥戕無胥相近用康誥宏于天若德裕乃身也

虐注鄭康成曰無胥戕無相殘賊無胥虐無相暴虐**疏**

鄭注見周禮大司馬疏胥為相釋詁文戕為殘與詩十月之交箋同也 至于敬寡至于屬

婦注大傳說老而無妻謂之鰥老而無夫謂之寡屬一

作媯**疏**敬寡即矜寡呂則哀敬折獄大傳作哀矜漢書于定國傳作哀鰥是敬矜鰥音相近義俱通也

屬與媯聲之緩急假借字又說文有媯云弱也一曰下妻也屬媯聲亦相近疑亦弱也大傳說即材傳下文又有幼而無父謂之孤老而無子謂之獨行而無資謂之乏居而無食謂之困此皆天下之至悲哀而無告者

故聖人在上君子在位能者任職必先施此使無失職
 推經義言之也云老而無妻者鄭注孝經云六十無妻
 曰鰥鰥亦作矜王制老而無妻謂之矜大戴禮云上古
 男子五十而娶故六十曰鰥也屬說文作媯云婦人妊
 身也文選崔子玉清河王誄云惠
 於媯媯媯即寡也此孔壁古文
 合由以容疏注周禮

云同也由者詩傳云月也容者廣雅
 釋詁云寬也言窮民無告有罪寬之
 王其效邦君越御

事厥命曷以引養引恬自古王若茲監罔攸辟疏效者
 廣雅

釋言云考也以者詩傳云用也引者釋詁云長也恬者
 說文云安也辟者說文云法也言王之課邦君子治事
 之人其命何用哉惟長養民長安民自
 惟曰若稽田既

勤敷留惟其陳修為厥疆畷疏惟者釋詁云思也稽者
 鄭注周禮云計也留者

說文云才耕田也或作留釋地云田一歲曰留注云今
 江東呼初耕地反草田留陳者詩信南山維禹甸之周

禮稱人注引作隄云甸治是陳亦治也疆者說文云界也畎說文作畎以此為篆文云六畎為一畝水小流也周禮匠人為溝洫相廣五寸二相為耦一耦之伐廣尺深尺謂之倍倍謂之遂倍遂曰溝倍溝曰洫倍洫曰川又云方百里為川廣二尋深二仞川讀若澮同益用考工記文言為國如計田既勤力以布耕其土當思修治其疆

若作室家既勤垣墉惟其塗墍茨澀

馬融曰

卑曰垣高曰墉墍聖色

疏

塗俗字當為塗墍者說文云仰塗也漢書楊雄傳云獲人

亡則匠石輟斤而不敢妄斲注服虔曰獲古之善塗墍者也施廣領大袖以仰塗而領袖不污茨者說文云以茅葦葢屋也言如作室家既勤力為牆當思塗塞孔穴又葢之以茅葦也喻政事修舉乃有成馬注見釋文云卑曰垣者吳語云君有短垣而自踰之短即卑也詩良耜云其崇如墉崇即高也說文云垣牆也釋宮云牆謂之墉是皆牆也堅為聖色者說文云聖白塗也釋宮云牆謂之聖考工記匠人為世室用白盛注盛之言成以

蜃灰聖牆所以飾宮室然則若作梓材既勤樸斲惟其古塗牆以蜃灰今以石灰也

塗丹臚 馬融曰梓古作籽字治木器曰梓治土器曰

陶冶金器曰冶樸未成器也臚善丹也鄭康成曰山海

經云青丘之山多有青臚塗一作敷

疏 梓者釋木云椅梓韋昭注楚語

云杞梓良材也說文云樸木素也斲斫也塗作敷見臚字解云善丹也引周書曰惟其敷丹臚讀若窶敷閉也集韻云敷同都切塗也周書曰敷丹臚羣經音辨云敷音徒書惟其敷堅茨則古文本又作敷也敷亦敷之假音字言如作梓材既勤力治其素質當思加以采色喻國既治理更須修明制度典章使粲然可觀也馬注見釋文云梓古作籽字者說文以籽為李字之古文馬以為梓字蓋本大傳古字以子為聲云治木器曰梓者考工記有梓人為筍虛為飲器為侯因梓材美以名工也陶人冶氏俱見考工記云樸未成器者釋木云樸枹者

樸亦同朴說文木皮也云獲善丹者說文丹巴越之赤石也獲解與馬同鄭注見書疏引山海經者南山經云青丘之山其陰多青獲是也古者儀尊以木為之飾以青黃今王惟曰先王既勤用

明德懷為夾庶邦享作兄弟方來亦既用明德疏懷者

云來也夾者一切經音義十二引倉頡云輔也享者釋

詁云獻也作者詩傳云始也享作猶言作享方者鄭注

儀禮云猶併也言今王爰思先王勤勞用明德之臣來

為夾輔是以眾邦始來享兄弟之國並來賓服亦已奉

用明后式典集庶邦丕享疏后者說文云繼體君也式

德矣后式典集庶邦丕享疏者釋言云用也典者釋詁

云常也言繼體之君當用先王之常法安集之眾邦乃來享也不語詞也皇天既付中國民

注付馬融作附越厥疆土于先王肆王惟德用和懌先

後迷民用懌先王受命疏付馬作附者見釋文高宗彤

日天既付命正厥德史記作

後迷民用懌先王受命疏

附是付附通說文云付與也肆者釋詁云今也悻者
 詰云服也先後江氏聲說為教道之引詩縣傳云相道
 前後曰先後迷者釋言云惑也悻俗字當為教說文云
 教終也言天既付中國民與其疆土于先王今王思用
 德和服先道此迷惑之已若茲監惟曰欲至于萬年惟
 民用終先王所受大命已者釋詁云吝已此也是已猶
王子子孫孫永保民疏吝也監者說文云臨下也言如
 此臨民惟子孫長保斯民矣王氏鳴盛曰今王惟曰先
 王既勤用明德已下周公因詰康叔而并戒成王之詞
 通上康誥酒誥
 三篇總結之也

梓材第十七終

召誥第十八 周書九

尙書今古文注疏卷十八

賜進士及第授通奉大夫山東督糧道加三級孫星衍撰

注史遷說周公行政七年成王長周公反政成王北面

就羣臣之位成王在豐使召公復營洛邑如武王之意

周公復卜申視卒營築居九鼎焉曰此天下之中四方

入貢道里均作召誥洛誥大傳說周公攝政五年營成

周七年致政

疏史公說見周本紀以營洛邑作召誥為在七年反政之時者據經文云王朝步

自周下文云周公朝至於洛周公至是不稱王經文又云錫周公曰又有且曰故知在反政之後也此蓋孔安國古文說周書作雒解亦云及將致政乃作大邑成周於土中漢書律歷志亦云周公七年復子明辟之歲是

歲二月乙亥朔庚寅望後六日得乙未故召誥曰云云見下丙午朏疏大傳以為在攝政五年者今文異說也鄭氏從大傳

惟二月既望越六日乙未注史遷說成王七年二月乙

未鄭康成曰是時周公居攝五年二月三月當為一月

二月不云正月者蓋待治定制禮乃正言正月故也疏

望假借字說文作璧云月滿與日相璧以朝君也从月从臣从壬壬朝廷也古文作皇釋名云望月滿之名也月大十六日小十五日日在東月在西遙相望也越者漢書注文穎云朏也既望是十六日朏六日則二十一日也史公說見魯世家云二月乙未者不破經文二字為一與鄭異也書疏云是月朔是乙亥望是已丑既望是庚寅鄭注見周禮大司徒疏及詩文王疏云是時周公居攝五年者據大傳說周公攝政五年營成周也與

史記魯世家以為在七年歸政之時不同云二月三月
 當為一月二月者謂此經當為一月既望下文為二月
 丙午朏也江氏聲云既望十六日也乙未二十一日鄭
 知然者以洛誥戊辰烝是居攝七年十二月日此是居
 攝五年事計五年三月至七年十二月凡三十四月其
 間餘分積至二萬八千九百七十六有奇以九百四十
 分之日法除之則三十日有餘矣則五年六年之終必
 置一閏則五年三月朔至七年十一月晦已匝三十四
 月若三月丙午朏則甲辰朔也推之五月當癸卯朔七
 月當壬寅朔率兩月而退一日則七年十二月應丁亥
 朔不得有戊辰若此二月為一月下文丙午朏是二月
 則七年十二月丁巳朔戊辰乃其十二日鄭說誠是也
 云不言正月云云者鄭自解已注當為一月不言當為
 正月之意也武王初有天下以建子月為年首而稱一
 月不云正月武成篇一月壬辰是也時未遑制禮故改
 月而不稱正月周公攝政非正為王遵而不改至六年周
 禮成而洛誥當七年時猶詔王稱殷禮明必待七年反
 政之明年為成王元年乃稱正月故云待治定制禮乃

正言正
月也

王廟步自周則至于豐注馬融曰周鎬京也豐

文王廟所在朝者舉事上朝將即土中易都大事故告

文王武王廟鄭康成曰步行也堂下謂之步豐鎬異邑

而言步者告武王廟即行出廟入廟不以遠為父恭也

於此從鎬京行至於豐就告文王廟告文王則武王可

知疏馬注見史記集解云周鎬京者周自后稷居邰公

王所都在長安西上林苑中鎬言鎬京者詩文王有聲

云宅是鎬京也白虎通號篇引詩云命此文王于周于

京云此改號為周易邑為京也據此則文王已稱周京
故武王遷鎬亦曰京也云豐文王廟所在者說文作豐
云周文王所都在京兆杜陵西南史記索隱云豐文王
所作邑後武王都鎬於豐立文王廟按豐在鄠縣東臨

豐水東去鎬二十五里也云告武王廟者考親於祖既告祖廟必及禰也鄭注見史記集解及詩王風譜疏曲禮疏父恭曲禮疏作文恭云步行者說文義也云堂下謂之步者釋宮文云告父廟則武王可知與馬義同也

惟太保先周公相宅注史遷說使太保召公先之雒相

土鄭康成曰相視也疏史公相宅作相土者相度其土地可以作宅也鄭注見史記集

解云相視越若來三月惟丙午肫疏越同粵釋詁云於釋詁文也若者鄭注周禮

云而讀為若聲之誤也則若與而聲相近來者釋詁云至也越若來言於是而至三月也漢書律歷志引武成

篇粵若來三月周書世俘解越若來三月義並同肫者說文云月未盛之明引此文月三日也漢書律歷志云

後二歲得周公七年復予明辟之歲是歲二月乙亥朔庚寅望後六日得乙未故召詔曰惟二月既望粵六日

乙未又其三月甲辰朔三日越三日戊申太保朝至于丙午召詔曰惟三月丙午肫

洛卜宅厥既得卜則經營注史遷說其三月周公往營

成周雒邑卜居焉曰吉遂國之疏越三日戊申者三月

戊申月五日也丁未至戊申自豐至洛行十四日吉行

日五十里豐至洛七百里也周官太卜云國大遷則貞

龜故須得卜言得吉兆也經營者詩靈臺云經之營

之傳云經度之也箋云度始靈臺之基趾營表其位越

三日庚戌太保乃以庶殷攻位于洛注鄭康成曰汭

隈曲中也疏庚戌月七日庶者釋詁云衆也攻者詩傳

定官位周書作雒解云乃作大邑成周于土中城方千

七百二十丈郭方七十里南繫于洛水北因于郊山以

為天下之大濼又云乃位五宮大廟宗宮考宮路寢明

堂注云五宮官府寺也大廟后稷廟二宮祖考廟考廟

也路寢王所居也明堂在國南者也案古者六尺四寸

為步三百步為里則一里之長百九十二丈依考工記

匠人營國方九里則當云方千七百二十八丈周書云
千七百二十丈畧其餘數也言庶殷者謂眾殷民洛汭
在洛入河之處史記周本紀云武王曰自洛汭延于伊
汭說文云汭水相入也鄭注見書疏以汭為隈曲中者
說文云隈水曲隈也杜氏
注左傳云水曲流為汭
越五日甲寅位成若翼日乙

卯周公朝至於洛則達觀于新邑營注鄭康成曰史不

書王往者王於相宅無事也疏甲寅月十一日翼同是

注樂記云具也達觀言具觀之營謂營域鄭越三日丁

巳用牲于郊牛二疏越三日說文粵于也審慎之詞周

為巳自甲寅翼日數之月十四日也郊者易乾鑿度云
三王之郊一用夏正據上云三月正夏正建寅之月王
郊是正祭當以上旬行禮于鎬京此因始立郊兆而特
祭天配以后稷也周書作雒解云乃設丘兆于南郊以

祀上帝配以后稷日月星辰先王皆與食用牲牛二者
帝牛一稷牛一也郊特牲云郊特牲而社稷太牢貴誠
也郊惟用特牛禮以少為貴無羊豕也公羊宣三年傳
云養牲養二卜帝牲不吉則取稷牲而卜之帝牲在于
滌三月于稷者惟具是視郊特牲亦云帝牛不吉以為
稷牛帝牛必在滌三月稷牛惟具所以兆事天神與人
鬼也又云于郊故謂之郊牲用騂尚赤也用犢貴誠也
案洛誥云騂牛此不言其色者時尙稱殷禮用白牡也

越翼日戊午乃社于新邑牛一羊一豕一

疏

戊午月十
五日社者

立社祭后土以句龍配郊特牲云社祭土而主陰氣是
社祭為土神也春秋左氏昭二十九年傳云其工氏有
子曰句龍為后土后土為社謂句龍生為后土之官死
則配食于社故鄭注周禮云其工氏之子曰句龍食于
社是也周書作雒解云乃建大社于國中其壝東青土
南赤土西白土北驪土中央壘以黃土白虎通社稷篇
云王者所以有社稷何為天下求福報功人非土不立
非穀不食土地廣博不可偏敬也五穀衆多不可一一

祭也故封土立社示有土尊稷五穀之長故封稷而祭之也尚書曰乃社于新邑又云社稷以三牲何重功故也尚書曰乃社于新邑羊一牛一豕一案稷爲封稷而祭以后稷配經不言稷舉社以該之也云牛一羊一豕一者王制云天子社稷皆太牢鄭注周禮云三牲牛羊豕具爲一牢案句龍配社后稷配稷蓋以人鬼配土穀之神猶郊之以稷配天也僞孔云句龍后稷祀爲社稷與王肅謬說同又以社稷共牢皆誤

越七日

甲子周公乃朝用書命庶殷侯甸男邦伯厥既命殷庶

庶殷丕作

疏

甲子月二十日朝用書者春秋左氏昭三十三年傳云士彌牟營成周計丈數揣高

卑度厚薄勿溝洫物土方議遠邇量事期計徒庸慮材用書餼糧以令役于諸侯蓋周公以此等書于冊以命于侯甸男之邦伯也丕者釋太保乃以庶邦冢君出取詰云大也作者釋言云爲也

幣乃復入錫周公

注

鄭康成曰所賜之幣蓋璋以皮及

寶玉大弓此時所賜召公見眾殷之民大作周公德隆
功成有反政之期而欲顯之因大戒天下故與諸侯出

取幣使戒成王立于位以其命賜周公疏以同與鄉飲

與賓三揖鄉射禮作主人以賓三揖是也錫者釋詁云

賜也鄭注見書疏云蓋璋以皮及寶玉大弓者公羊春

秋定八年云盜竊寶玉大弓傳云寶者何璋判白弓繡

質龜青純是魯有此璋及寶玉大弓也定四年左傳云

分魯公以大路大旂夏后氏之璜封父之繁弱則璋與

寶玉大弓非封魯公之分器知是此時所賜于周公者

傳無正文故言蓋以疑之云以皮者周禮小行人合六

幣璋以皮是璋必薦以皮也案公羊傳璋即寶玉鄭以

璋與寶玉大弓殊言之者何氏注公羊云半圭曰璋白

藏天子青藏諸侯魯得郊天故錫以白不言璋言玉者

起圭璧琮璜璋五玉盡亡之也傳

獨言璋者所以郊事天尤重也 曰拜手稽首旅王若

公

旅者釋詁云陳也言旅王若公則王在矣洛誥云公既定宅仲來視予卜休恆吉則相宅時王留西

都未來當于使來告卜之後來洛也故上誥告庶殷越文鄭注云不書王往王于相宅無事也

自乃御事嗚呼皇天上帝改厥元子

注

鄭康成曰言首

子者凡人皆云天子之子天子為之首耳

疏

鄭注見書疏以元為

首釋詁文

茲大國殷之命惟王受命無疆惟休亦無疆惟恤

嗚呼曷其柰何勿敬

疏

疆者詩傳云竟也釋詁云休慶也恤憂也曷者廣雅釋詁云何

也天既遐終大邦殷之命茲殷多先哲王在天

疏

遐俗字當

為假釋詁云假已也哲者釋言云智也言天越厥後王既已終殷之大命此殷之先哲王猶多在天

後民茲服厥命

疏

服者詩傳云服政事也後王謂紂也

厥終智藏瘝在

疏

鄭康成曰瘵病也瘵一作鰥

疏

藏俗字當為臧易繫詞知以藏往釋文云藏劉

作臧高誘注呂氏春秋云藏潛也瘵俗字當為鰥釋詁

云鰥病也其終謂後王之終即紂時也紂政不善智者

知幾而藏匿在者困于行役詩何草不黃云何人不矜

箋云無妻曰矜從役者皆過時不得歸故謂之矜書堯

典疏引書傳孔子對子張曰詩云何草不元何人不鰥

暫離室家尚謂之鰥此書傳即大傳是鰥為離家行役

之人偽傳以瘵在為在位之臣或又以為病民夫知保

者在位俱非也瘵郭氏注爾雅引此文作鰥

疏

夫者鄭注曲禮若夫云丈

抱攜持厥婦子以哀籲天徂厥亡出執

夫知者釋詁云匹也保同緹說文云小兒女也籲者說

文云呼也徂者釋詁云在也執者廣雅釋言云脅也言

丈夫之有匹偶者繼負其子攜持其妻嗚呼天亦哀于

屬以哀號呼天在者喪亡出被迫脅

四方民其眷命用懋王其疾敬德

疏

眷者說文云顧也懋者釋訓云懋懋

勉也疾者釋詁云速疾也言天亦哀此四方窮民其眷顧大命用勉于敬德者以為民主王其速敬德以答天意相古先民有夏天迪從子保面稽天若鄭康成曰

面猶回向也今時既墜厥命今相有殷天迪格保面稽

天若今時既墜厥命疏相者釋詁云視也迪與攸通見前疏子當讀如字亦見上疏釋

詁云格陛也保安也面者鄭注周禮云猶鄉也稽者鄭注周禮云猶考也若者釋言云順也墜俗字當為隊說

文云從高隊也格者釋言云來也言視古先人有夏天所從字愛保安之夏王亦鄉考天心而順之今時既殞

其大命矣今視有殷天所陞保殷王亦鄉考天心而順之今時既殞其大命矣謂後王不能承天受命也鄭注

見書疏云面猶回向者漢書項籍傳云馬童面之注今面謂背之不向也鄭云回向回猶背也言背而向之

冲子嗣則無遺壽考注壽考亦作耆老曰其稽我古人

之德矧曰其有能稽謀自天

疏

沖子謂成王也考者釋

幼繼位則無遺棄考老者謂其能考我古人之德以其
或能考謀以從天即上所云面稽天若也漢書孔光傳
云今年耆有疾俊艾大臣惟國之重其
猶不可已闕焉引書文作無遺考老
嗚呼有王雖小

元子哉其不能誠于小民

疏

元者釋詰云首也丕語詞
誠者說文云和也引此文

丕作不言王雖幼沖亦天
之首子其能和于小民也

今休王不敢後用顧畏于民

岩

休者釋詰云美也顧謂眷顧岩者說文云磐岩也
引周書曰畏于民岩讀與巖同民巖猶民險也康

誥曰小人難保言今之美王不敢後用天之眷顧下畏
于民情之險江氏聲云說文引此文不連顧字漢儒以

顧字屬上讀是也王應麟困學記聞藝文志考皆以說
文出多言也為此岩字段氏玉裁駁之案出說文讀與

聶同緩讀則同岩許氏訓以為王來紹上帝自服于土
多言或即岩字本義亦未可定

中注

鄭康成曰自用

疏

紹者釋詁云繼也自者詩傳云用也服同反說文云治也土中

謂王城于天下為中也論衡難歲篇云儒者論天下九州以為東西南北盡地廣長九州之內五千里竟三河土中周公卜宅經曰王來紹上帝自服于土中雜則土之中也水經河水注引孝經援神契曰八方之廣周洛為中謂之洛邑周禮大司徒職以土圭之法測土深正日景以求地中日南則景短多暑日北則景長多寒日東則景夕多風日西則景朝多陰日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國焉白虎通京師篇云尚書王者必即土中何所以均教道平往來使善易以聞惡易以聞明當懼慎此說自服土中之義也

皇天茲祀于上下其自時中又王厥有成命治民今休

疏

稱旦者曲禮云君前臣名召公述周公之言曰其作大邑其從是配天慎祀于上下神祇其從是致治于

中土王其有天之成命治民今獲休慶釋詁云從自也時是也悲慎也又同變說文云治也休者釋言云慶也

王先服殷御事比介于我有周御事注介一本作介節

性惟日其邁王敬作所不可不敬德疏此召公自述已

春秋重已篇云節乎性也注云節猶和也性者天命五常之性說文云人之陽氣性善者也所者一切經音義

二引三蒼云處也邁者釋言云行也言王先治殷治事

之臣及比近于我周治事之臣節和其性思日行之甚速勉之以疾敬德也王之治羣臣以敬自處不可不敬

德介日本入山井鼎云足利古本作途偽孔傳釋為比近則亦作途字介文與介相似故後又增為邁也我不可不監于有夏亦不可

不監于有殷我不敢知曰有夏服天命惟有歷年我不

敢知曰不其延惟不敬厥德乃早墜厥命我不敢知曰

有殷受天命惟有歷年我不敢知曰不其延惟不敬厥

德乃早墜厥命今王嗣受厥命我亦惟茲二國命嗣若

功**疏**歷者釋詁云艾歷也詩傳云艾久也是歷亦為久也釋詁云延長也嗣繼也惟思也言夏殷歷年修

短我皆不敢知惟知其皆以不敬德故早失天命今王繼受其命我亦思此二國命之所以墜以為監戒而繼

其王乃初服嗚呼若生子罔不在厥初生**注**嗚呼一作

於戲**疏**生者鄭注周禮云猶養也說文云育養子使作善也論衡率性篇云召公戒成王曰今王初服

厥命於戲若生子罔不在厥初生生子謂十五子初生意于善終以善初生意于惡終以惡其有所漸化為善

惡猶藍丹之染練絲使之為青赤也青赤一成真色無異案云十五子者學記云大學之法禁於未發之謂豫

注云未發情慾未生謂年十五時白虎通辟雍篇云古者所以年十五入大學何以為八歲毀齒始有識知入

學經書計七八十五陰陽備故十五成童志明入大學
學經術案十五為太子入學之年故王氏以釋經若生
子謂若養子教之初生謂情欲初生也王乃初服論衡
作今王初服厥命者疑并上今王嗣受厥命變其詞非
經文異字嗚呼作於
戲者今文皆如是 自貽哲命今天其命哲命吉凶命

歷年知今我初服宅新邑肆惟王其疾敬德王其德之

用祈天永命 **疏** 貽俗字釋文貽多云本作詒詩箋云詒

求福也永者釋詁云長也言王初服如教子之初自傳
之以明哲之命今天其命明哲命吉命凶與命年歲之
永短均未可知所可知者今我王初服厥命宅茲新邑
今惟王其速敬德耳言王其敬德以祈求天命之永長
用以也屬祈天永命讀為句偽孔以用字斷句上屬非
知或語詞說文云知詞也案說文張亦詞也俗矧字與
知字形相近或當
為矧今我初服 其惟王勿以小民淫用非彝亦敢殄

戮用又民若有功誥淫者高誘注呂氏春秋云過也釋

釋詁云罪也又者釋詁云治也若者釋言云順也言王

勿以小民有過為非法者因敢盡罪以治民惟順敘則

有功也其惟王位在德元小民乃惟刑用于天下越王顯

疏釋詁云元首也刑法也顯光也言王位居天德上下

勤恤其曰我受天命丕若有夏歷年式勿替有殷歷年

欲王以小民受天永命疏恤者說文云憂也丕詞也釋

相與勤勞憂恤其期于有夏歷年之久用勿廢有殷歷

年之久欲王以小民受天長命也潛夫論正列篇云人

君身修正賞罰明者國治而民安民安樂者天悅喜而

增歷數故書曰王以小民受天永命蓋勤恤即安民安

民乃命永是說拜手稽首曰予小臣敢以王之讎民百

此經之義也

君子注鄭康成曰拜手稽首者召公既拜興曰我小臣

以下言召公拜訖而復言也百君子王之諸臣與羣吏

越友民保受王威命明德王末有成命王亦顯疏稱與

相近文選補亡詩注引蒼頡云稠衆也廣雅釋詁云讎

輩也鄭注禮記云君子謂大夫以上友同有白虎通三

綱篇云友有也保者釋詁云安也末者孔晁注周書云

終也召公拜手稽首謙稱子小臣敢以王之衆民及百

官之有民者安受王之威命明德則王終有成命王亦

光顯矣鄭注見書疏云百君子王之諸臣與羣吏者君

者釋詁云大也子者男子之美稱我非敢勤惟恭奉幣

用供王能祈天永命疏勤者說文云勞周書克殷解王

入卽位于社召公吏贊采供者

孔晁注周書謚法云奉也言我非有勤勞於國徒敬供

贊采之職而已用奉王能祈天永命重勉之以敬德也

召誥第十八終

洛誥第十九

周書十

尚書今古文注疏卷十九

賜進士及第授通奉大夫山東督糧道加三級孫星衍撰

疏

史公說作召誥洛誥在七年反政之後見召誥注案周本紀云營洛也如武王之意者此經亦云伊來

般乃命寧是武王命周公作洛居九鼎也周書作雒解云我維顯服者釋詁云顯代也是命周公代事也下云

乃今我兄弟相後又云今用建庶建叙是武王欲周公作洛并命傳位也下云且恐泣涕共手周公不敢承武

王之命也武王既崩周公乃營洛邑如武王之志居攝反政不從武王兄弟相後之命仁之至義之盡也

周公拜手稽首

疏

白虎通姓名篇云所以先拜手後稽首何名順其文質也尚書曰周公拜

手稽首段氏玉裁云白虎通此條殘闕名當作各當云殷所以先稽首後拜手周所以先拜手後稽首何各順

其文質也殷之禮拜先稽首後拜其喪拜則拜手而後稽首周之禮拜先拜手後稽首其喪拜則稽顙而後拜

手文質曰朕復子明辟疏復者釋言云返也辟者釋詁云君也漢書元后傳云書遂

嘉禾篇曰周公奉鬯立于祚階延登贊曰假王蒞政勤

和天下此周公攝政贊者所稱成王加元服周公則致

政書曰朕復子明辟周公常稱王命專行不報故言我

復子明君也後漢書桓帝紀詔曰遠覽復子明辟之義

注云復還也子謂成王也辟君也謂周公攝政已久故復還明君之政于成王也

王如弗敢及

天基命定命予乃允保大相東土其基作民明辟疏如

服虔注左傳云而也基者釋詁云始也允者馬注堯典

云嗣也保者詩傳云安也允保即保允也相者釋詁云

視也江氏聲云詩大明云有命自天命此文王序云文

王有明德故天復命武王也又下武序云武王有聖德

復受天命是文王為基命武王為定命也言王而弗敢

自比文王基命武王定命予乃保安允嗣大相視洛邑

王其始作予惟乙卯朝至于洛師我卜河朔黎水我乃

民明君矣

卜澗水東灋水西惟洛食我又卜灋水東亦惟洛食注

鄭康成曰我以乙卯日至于洛邑之眾觀召公所卜之

處皆可長久居民使服田相食灋水東既成名曰成周

今洛陽縣是也召公所卜處名曰王城今河南縣是也

先卜河北黎水者近于紂都為其懷土重遷故先卜近

以悅之疏師者釋詁云眾也河朔者河北也黎水未詳

也晉灼曰黎山在其南河水逕其東案黎陽故城在今

河南濬縣東北但有黎山無黎水也澗水者水經云出

新安縣南白石山東南入於洛注云東北流歷函谷東

阪東謂之八特阪今在河南西四十里周書所謂我卜

澗水東者是也又云又按河南有離山水謂之為澗水

水西北出離山東南流歷鄭山於穀城東而南流注於

穀舊與穀水亂流南入於洛或以是水為周公之所相
 卜也漚水者水經云出河南南穀城縣北山東與千金渠
 合注云周書曰我卜漚水西謂斯水也漚水又東南南流
 注於穀案穀城縣魏省入河南亦今河南縣地漚俗字
 當為慶見禹貢疏洛食据漢書元后傳云子乃卜波水
 之北郎池之南惟玉食子又卜金水之南明堂之西亦
 惟玉食仿此文洪範云惟辟玉食則知食為玉食此土
 也顏師古注玉為玉兆非是鄭注見詩王風譜疏及書
 疏疏引顧氏云先卜河北黎水者近於紂都云云用鄭
 康成之說故定為鄭注云觀召公所卜處者鄭召公先
 至洛既得卜經營乃後周公至洛具觀新邑之營域未
 嘗改卜則經雖云我乃卜實即召公所卜處也云皆可
 長久居民使服田相食者解經惟洛食之義偽孔以為
 龜兆食墨非也食墨不必盡吉且周禮占人云凡卜君
 占體大夫占色史占墨卜人占坼此卜作洛是王之專
 宜占體不宜占墨也云漚水東既成名曰成周今洛陽
 縣是者地理志河南郡雒陽縣周公遷殷民是為成周
 水經河水注云穀水又逕河南王城北所謂成周也

羊曰成周者何東周也何休曰名爲成周者周道始成
王所都也案雒陽故城在今河南南府城東北二十里云
召公所卜處名曰王城今河南縣是者地理志河南郡
河南縣故邾鄆地周武王遷九鼎周公致太平營以爲
都是爲王城至平王居之馬氏注周禮大司徒云王國
東都王城今河南縣與鄭同也案河南故城在今河南
府城西北二十里漢雒陽縣在洛水之北河南縣在伊
水之北洛水之南近洛水故經云洛食也云先卜河朔
黎水近於紂都爲其懷土重遷者言遷殷民也江氏聲
云河朔黎水及瀍水東乃周公所卜序云召公既相宅
周公往營成周是成周非召公所營則召詔所云厥既
得卜止卜王城未卜成周鄭注以瀍水東與召公所卜
處分言之則亦以瀍水東爲召公所未卜故知瀍水東
是周公所卜也河朔黎水與瀍水東皆爲遷殷民而卜
以河朔黎水不言伴來以圖及獻卜疏伴俗字釋詁云
故更卜瀍水東也伴來以圖及獻卜疏伴使也釋文云
伴字又作伴漢書劉向傳引此經注孟康曰伴使也使
人以圖來示成王明口說不了指圖乃了案了卽瞭假

卷九

七

也音字 王拜手稽首曰公不敢不敬天之休來相宅其作

周匹休疏

匹者詩傳云配也休者釋詁云美也王拜手

答拜又曰大夫入門再拜君拜其辱曲禮大夫士見於

國君君若迎拜則還辟不敢答拜是君於臣有拜手也

春秋左氏哀公十七年傳云非天子寡君無所稽首諸

侯尚不稽首王稽首者周公為太師盡敬非常禮也云

作周匹休者詩文王有聲云築城伊洺作豐伊匹傳云

匹配也箋云築豐邑之城大小適與城偶則此云周匹

言作王城與鎬京之城匹偶于時為美也或公既定宅

作周為作立周邦以配天休命故曰匹休

俾來來注鄭康成曰俾來來者使二人也視予卜休恒

吉我二人共貞注

馬融曰貞當也

鄭注見書疏云使二人者一人為召

公至洛得卜所使一人則周公後至卜吉成周乃更遣

使史臣因以來來書之也視何示曲禮云幼子常視毋

誑注云視今之示字馬注見釋文云貞當者易師彖傳云貞正也說文云正是也是直者直是相當之義言公既定宅兩使來示于卜公其以予萬億年敬天之休拜吉之美我二人共當之

首稽首誨言

疏

億同意說文云十萬曰億詩伐檀傳云萬萬曰億箋云十萬曰億王氏鳴盛云

知古億十萬者以田方百里于今數為九百萬畝而王制云方百里為田九十億畝是億為十萬故彼注云億十萬也韋昭注楚語云十萬曰億古數也秦始以萬萬為億誨者說文云曉教也言公以我萬億年敬天之美故拜手稽首受公教誨之言此自述前拜手稽首非有二拜也

周公曰王肇稱殷禮

注

鄭康成曰王者未制禮樂恒用先王之禮樂伐紂已來皆用殷之禮樂非始成王用之也周公制禮樂既成不使成王即用周禮仍令用殷禮者欲待明年即政告神

受職然後班行周禮班訖始得用周禮故告神且用殷

禮也

疏肇者釋詁云始也稱者釋言云舉也白虎通禮

樂篇云王者始起何用正民以為且用先王之

禮樂天下太平乃更制作焉書曰肇稱殷禮祀新邑此

言太平去殷禮鄭注見書疏云王者未制禮樂恒用先

王之禮樂者本白虎通蓋今文說云周公制禮既成者

大傳云周公攝政六年制禮步樂七年致政成王若然

則此時即致政矣而鄭又云欲待明年即政者此篇末

云王在新邑丞漢書歷律志引其文以為十二月戊辰

晦周公反政是周公反政在是年年終則祀于新邑咸

成王即政在明年歲首故云明年即政也祀于新邑咸

秩無文

疏咸猶徧釋詁云咸皆也皆亦徧也江氏聲云

春秋左氏莊十年傳云小惠未徧魯語作小

賜不咸風俗通山澤篇引傳曰五嶽祝三公四瀆祝諸

侯其餘或伯或子男大小為差尚書咸秩無文王者眾

功以次秩之無有文也則咸秩謂徧序其尊卑無文謂

禮質無文何氏注公羊鄭注王制皆云春秋變周之文

從殷之質是周尙文殷尙質此言無文者用殷禮祀之
漢書翟方進傳云定五時廟祫咸秩亾文注孟康曰諸
廢祀無文籍咸祭之與應
氏不同者或古文說也 子齊百工倅從王于周子惟

曰庶有事今王卽命日記功宗以功作元祀注曰一作

曰疏工者詩傳云官也周者謂成周庶者庶幾釋言云
尙也尙有事者春秋左氏僖九年傳曰天子有事于

文武昭十五年傳曰有事于武宮皆謂祀事也記者王
制云太史執簡記注云簡記册書也則記爲書也宗者

白虎通宗族篇云尊也元者詩傳云大也言我整齊百
官使從王於成周予徒以尙有祀事今王就大命書識

其功尊異之令以功助大祀盤庚云茲子大享于先王
爾祖其從與享之周禮司勳云凡有功者銘書于王之

大常祭于大烝司勳謂之是功臣有配食之禮也日記
功宗者釋詁云爰曰也言爰記功宗釋文日音越音入

實反則古本 惟命曰汝受命篤弼丕視功載乃汝其悉
作日記也

自教工注大傳教作學云悉盡也學效也傳曰當其效

功也于卜洛邑營成周改正朔立宗廟序祭祀易犧牲

制禮作樂一統天下合和四海而致諸侯皆莫不依紳

端冕以奉祭祀者其下莫不自悉以奉其上者莫不自

悉以奉其祭祀者此之謂也盡其天下諸侯之志而效

天下諸侯之功也疏篤者釋詁云厚也彌者說文云輔

載者詩傳云識春秋左氏僖二十六年傳云載在盟府

注云載載書也教者一切經音義二引三蒼云效也言

王命汝諸臣曰汝受先王命厚輔國家既奉視記功之

書乃汝其盡自效功也工與功通大傳悉為盡者釋詁

云悉盡也教作學者廣雅釋詁云教學效也是學教同

義云序祭祀謂成秩易犧牲謂下文駢牛也偽傳王肅

俱以汝為告
成王失之
孺子其朋
孺子其朋
其往
注
鄭康成曰孺

子幼少之稱謂成王也
疏
後漢書爰延傳延上封事云
臣聞之帝左右者所以咨德

政也故周公戒成王曰孺子其朋
慎所與也注云慎其往易損注云朋黨也朋謂朋從之

臣鄭注見書疏以孺子為幼少者說文孺
乳子也戒成王于朋從之人慎其往也
無若火始燄

燄厥攸灼敘弗其絕
注
燄一作庸一作炎
疏
燄者說文云火行微

燄燄然也灼者廣雅釋詁云蒸也敘者釋詁云緒也言
無使若火初然燄雖微其所蒸端緒至不可絕漢書梅
福傳福上書云書曰毋若火始庸庸勢陵于君權隆于
主然後防之亦無及矣是說此經之義杜氏注左傳引
此文燄作炎釋文炎音豔謂所
與朋輩當慎其始防其微也
厥若彛及撫事如予惟

以在周工往新邑倅嚮即有僚明作有功惇大成裕汝

禾有辭疏

撫者王逸注楚詞云循也以者說文云用也

通即者詩傳云就也明與孟聲相近釋詁云勉也裕者

方言云道也辭與詞通周禮大行人注鄭司農云辭當

為詞釋名云詞嗣也令擇善言相嗣續也此告成王欲

其順常法及循故事如我所為惟用在周之官往治新

邑使之向就僚友勉為有功厚大成道則汝長有嗣世

之慶矣上文戒成王慎所與此欲成王不改其政與其

也臣公曰已汝惟冲子惟終汝其敬識百辟享亦識其有

不享享多儀儀不及物惟曰不享惟不役志于享凡民

惟曰不享惟事其爽侮注鄭康成曰朝聘之禮至大其

禮之儀不及物謂所貢篚者多而威儀簡也威儀既簡

亦是不享也疏已同咨見上疏識者鄭注周禮云記也

釋詁云辟君也享獻也役者韋昭注鄭

語云營也爽者詩傳云差也侮者說文云馭侮也廣雅
釋詁云傷也言汝今冲幼當思其終汝其敬識百國諸
侯朝聘之享獻享以多儀文為敬其儀文不及貢物者
猶不享耳當思不營心于貢獻凡民徒以汝不重儀文
則將任其過差侮易之矣孟子告子篇引享多儀四句
云為其不成享也注云享多儀言享見之禮多儀法也
物事也儀不及事謂有闕也故曰不成享鄭注見書疏
云朝聘之禮者周禮太宰以九貢致邦國之用一曰祀
貢二曰嬪貢三曰器貢四曰幣貢五曰材貢六曰貨貢
七曰服貢八曰旂貢九曰物貢大朝覲會同贊玉幣玉
獻此所謂貢篚也與趙氏注孟子以物為事異周公恐
成王營心於貢篚不重禮法故戒之漢書郊祀志谷永
引經曰享多儀儀不及物惟曰不享注師古曰言祭享
之道惟以潔誠若多其容儀而不及禮物則不為神所
享也以享為祭乃惟孺子頌注頌一作放朕不暇聽注
享或今文說也

馬融曰頌猶也鄭康成曰成王之才周公倍之猶未而

言分者誘掖之也

疏

頌者鄭注祭禮云頌之言分也說文頌作放云分也引周書曰乃惟

孺子放亦讀與彬同放蓋孔壁古文言聽政之事繁多孺子分其任我有所不遑也馬注見釋文云猶者疑當作猶分脫一字鄭注見書疏云誘掖者詩衡門序云作是詩以誘掖其君也箋云誘進也掖扶持也

汝于棐民彝汝乃是不獲**注**鄭康成曰獲勉也乃時惟

不永哉

疏

棐者釋詁云備也獲即寢字省文隸釋有漢冀州從事張表碑云獲疾而終即癯疾也是

獲即寢也徐氏說文引唐韻寢七在切釋文獲引徐武剛反不同者韻書陽蒸多有通字詩傳云寐寢也寐寢聲之轉亦得為獲周禮籛氏春始生而萌之注云故書萌作蕞杜子春云蕞當為萌蕞與萌聲相近則蕞亦或為蕞聲近明明即勉也言我教汝于輔民之常法女不勉于是是非久長之道鄭注見書疏釋文作馬注云鄭亦訓勉勉與明孟通

篤敘乃正父罔不若予不敢廢乃

字釋詁云孟勉也

命疏

篤者釋詁云厚也敘者釋詁云順敘也敘亦為順

正者政人父者說文云家長率教者是父為長也

詩傳云天子謂同姓諸侯諸侯謂同姓大夫皆曰父僕
孔以正父為武王不遵古義此戒成王以厚順乃正長
無不如我正長之官則諸
臣亦不敢廢棄汝教令
汝往敬哉茲予其明農哉

大傳說大夫士七十致仕退老歸其鄉里大夫為父師

士為少師又說餘子出學傳農事上老平明坐于右塾

庶老坐于左塾餘子畢出然後歸夕亦如之餘子畢入

彼裕我民無遠用戾

疏明者勉也見下疏農者釋文云耕也籀文作農古文作農

切經音義十引說文作耕人也裕者廣雅釋詁云容也
戾者釋詁云來戾至也言汝往新邑敬之哉予其致仕

歸勉耕人哉彼能容我民無遠勿至矣大傳說見畧說
云大夫士七十致仕云云者以歲事既畢餘子皆入學

距冬至四十五日始出學傳農事俱由父師少師教勉
之也鄭注云上老父師也庶老少師也此大學小學造
士之法周公致仕則為上老稱父師故王若曰公明保
欲明農明與孟聲相近釋詁云孟勉也

子冲子公稱丕顯德以予小子揚文武烈奉荅天命和

恒四方民注大傳烈作德烈荅作對四方作萬邦四方

疏明者王氏念孫云釋訓云疊疊勉也鄭注禮器云疊
疊猶勉勉也詩江漢云明明天子令聞不已猶言疊
疊文王令聞不已也保者詩傳云安也稱者說文云揚
也不顯猶不顯丕不皆語詞也烈者釋詁云烈業也荅
與對聲之緩急詩箋云對配也恒者詩傳云徧和恒猶
恒和也此謂周公以文武配天子明堂也言公勉安于
幼子公稱前人之顯德以予小子揚文武之業奉配天
命徧和四方之民孝經云宗祀文王于明堂以配上帝
鄭注祭法韋注魯語皆云祭五帝于明堂曰祖宗韋氏
注又云周公初時廟后稷而宗文王至武王雖承文王

之業有伐紂定天下之功其廟不可以毀故先推后優以配天而後更祖文王而宗武王也大傳云天下諸侯之悉來進受命周公而退見文武尸者千七百七十三諸侯皆莫不繫折玉音金聲玉色然後周公與升歌而弦文武諸侯在廟中者俶然淵其志和其情愀然若見文武之身然後曰嗟子乎此蓋吾先君文武之風也夫又云故周人追祖文王而宗武王也是故周書自大誓就召誥而盛于洛誥故其書曰揚文武之德烈奉對天命和恒萬邦四方民是以見之也烈作居師惇宗將禮烈德答作對四方作萬邦四方皆今文

稱秩元祀咸秩無文

疏

師者釋詁云眾也蓋謂洛師猶京師也惇厚宗尊見前疏將者

釋詁云大也此謂公相宅令王稱殷禮秩祀無文也言公之來洛師厚尊大禮教子舉敘大祀徧祀無文即述上肇稱殷禮秩無文也惟公德明光于上下勤施于四方苟作穆

穆返衡不迷

注

鄭康成讀返為御曰稱上曰衡文武勤

教予冲子夙夜忘祀

疏 旁者說文云溥也穆穆釋訓云美也四方詩傳云諸夏也衡者

漢書律歷志云平也所以在權而均物平輕重也返俗

字左傳釋文返木作訝鄭注士昏禮云御當為訝是與

御通也釋詁云迷惑也忘慎也言周公之德光于天地

施于四方溥為穆穆之美化操御平天下之衡不有迷

錯以文武之光烈教予於冲幼之時早夜慎修祀典大

傳孔子曰吾于洛誥也見周公之德光明于上下勤施

四方旁作穆穆至于海表莫敢不來服莫敢不來享以

勤文王之鮮光以揚武王之大訓而天下大治故曰聖

之與聖也猶規之相周矩之相範也魏志文帝紀裴注

疏

引延康元年詔曰今王纘承前序至德光昭御衡不迷

布德優遠以御衡不迷為句偽傳以不迷屬下讀非也

鄭注見文選六代論注及廣絕交論注以返為御者詩

傳云御迎也公羊成二年傳使

王曰公功裴迪篤罔不

誠者訝誠者穀梁傳返作御

若時

我甚厚無不如我之是言謂上所稱公德也

裴備道篤厚時是皆釋詁文言公之功輔道

若時

我甚厚無不如我之是言謂上所稱公德也

裴備道篤厚時是皆釋詁文言公之功輔道

若時

王曰公子小子其退即辟于周命公後

疏

辟者釋詁云君也後謂立

後于魯言我小子其退就王位于新邑為公立後欲留公輔我王室也下云惟告周公其後又云王命周公後

四方迪亂未定于宗禮亦未克救公功

注

鄭康成曰救

安也

疏

釋詁云迪進亂治也救者說文云撫也周書曰亦未克救公功讀若弭言四方雖進於治猶未

定尊禮功臣之事亦未能撫循公之功績鄭注見周禮小祝疏云救安者廣雅釋詁云休安也休見說文即救

或字王氏引之云當以四方迪亂未定為句于宗禮亦未克救為句公功迪將其後為句方言云迪正也四方

迪亂猶云亂正四方也于越也言四方正治未定越宗禮亦未克安也公功迪將其後者上文云公功秉迪篤

下文云公功肅將祇歡與此並以公功發句畢氏以田云二迪字當為乃說文有適字讀如攸義與乃同上言

四方乃治尙未定于宗禮亦未克救安也公功乃助其後以監官而保民也案說文則引亦未克救公功為句

今從 **迪** 將其後監我士師工誕保文武受民亂 **疏** 迪者

上將者詩箋云猶扶進也監者釋文六引韓詩云領也

士者說文云事也師者釋詁云衆也工者詩傳云官也

言公功以道扶助其後監領我執事衆 **為四輔** **疏** 四輔

官大安文武所受之民治之後謂後日 **為四輔** **疏** 者文

王世子云虞夏商周有師保有疑丞設四輔疏引尚書

大傳云天子必有四鄰前曰疑後曰丞左曰輔右曰弼

天子有問無以對責疑可志而不志責丞可正而不正

責輔可揚而不揚責弼大戴保傅篇云明堂之位曰篤

仁而好學多聞而道慎天子疑則問應而不窮者謂之

道道者導太子以道者也常立于前是周公也誠立而敢

斷輔善而相義者謂之充充者充天子之志也常立于

左是太公也繫廉而切直匡過而諫邪者謂之弼弼者

拂天子之過者也常立于右是召公也博聞彊記接給

而善對者謂之承承者承天子之遺忘者也常立于後

是史佚也成王中立聽四聖維之是以慮無失計而舉

無過事漢書谷永傳永對曰四輔既備成王靡有過事

注師古曰輔弼疑
丞引洛誥此文
王曰公定于往已公功肅將祇歡公

無困哉注哉一作我疏定者釋詁云止也往者論語云

也肅者釋詁云進也將者詩箋云奉也祇者釋詁云敬

也言公其留止我往日以公功進奉而敬說之公無困

哉哉字誤漢書元后傳上報鳳曰書不云乎公無困我

杜欽傳欽說王鳳曰周公雖老猶在京師明不離成周

示不忘王室也書稱公無困我後漢書祭祀志劉昭注

引東觀書曰章帝賜東平憲王蒼書曰宜勿隱思有所

承公無困我皆作我字周書祭公解云我惟無斁其康

公無困我哉與我形相近字之誤也

事公勿替刑四方其世享疏

斁者釋文云解也康者釋

也刑者釋詁云法也言我惟以無懈倦其安事公勿廢

以公儀法于四方其世享公之德詩箋云周公攝政

七年致太平復成王之位遜遁避此成周公拜手稽首

公之大美欲老成王又留之以為太師

曰王命予來承保乃文祖受命民注鄭康成曰文祖者

周曰明堂以稱文王是文主德稱文祖也越乃光烈考

武王宏朕恭注鄭康成曰烈威疏此周公述祀文王於

祖後又祀武王配五人帝曰宗云王命予者歸美成王

也曲禮疏云明堂總享五帝以文王武王配之故孝經

說文后稷為天地之主文王為五帝之宗是也周人祭

明堂時又兼以武王配之故祭法云周人祖文王而宗

武王注云祭五帝于明堂曰祖宗也言王命我來承安

乃文祖受命之民于乃有光之烈考武王亦祀于明堂
宏我恭敬宏者釋詁云大也莊氏寶琛曰朕當作訓說
文侯古文以為訓字蓋尚書本作侯後改為朕案大傳
有云以揚武王之大訓莊氏說是也段氏玉裁云偽孔
釋恭為奉則恭本作其字鄭注見詩維天之命疏又見
雖疏云文祖周曰明堂者史記堯本紀云舜受終於文
祖文祖者堯大祖也集解引鄭注曰文祖者五府之大

名猶周之明堂正義引尚書帝命驗云帝者承天立五
府以尊天垂象也五府者黃曰神斗注云唐虞謂之天
府夏謂之正室殷謂之重屋周謂之明堂皆祀五帝之
所也支祖者赤帝赤燂怒之府名曰支祖火精光明文
章之祖故曰支祖周曰明堂神斗者黃帝含樞紐之府
名曰神斗斗主也土精澄靜四行之主故謂之神斗周
曰大室顯紀者白帝招拒之府名顯紀紀法也金精斷
割萬物故謂之顯紀周曰總章元矩者黑帝光紀之府
名曰元矩矩法也水精元昧能權輕重故謂之元矩周
曰元堂靈府者蒼帝靈威仰之府名曰靈府周曰青陽
案司馬貞所引兼鄭注五德運代皆取相生周木殷木
夏金虞土唐火故堯稱文祖其夏世室殷重屋周明堂
名異而制同故云文祖周明堂也云文王德稱文祖者
下文乃單文祖德直謂明堂為文祖此言文祖又與武
王並稱則以文王有文德合於火精故即以文祖稱之
也云烈威者詩離云既右烈考亦謂武王箋用釋詁訓
烈為光此云威者孺子來相宅其大惇典殷獻民亂為
釋訓云烈烈威也

四方新辟作周恭先曰其自時中又萬邦咸休惟王有

成績疏作周者詩文王序云受命作周言孺承來浴邑

新君作立周邦以恭敬為率先聿其用是宅中出治

旦以多子越御事篤前人成烈荅其師作周孚先疏多

信也言我以眾君子于治事之臣厚先王之成業以荅

以信為先也考朕昭子刑乃單支祖德注馬融曰單

信也鄭康成曰成我所用明子之法度者乃盡明堂之

德明堂者祀五帝大暉之屬為用其法度也周公制禮

六典就其法度而損益用之疏考者釋詁云成也昭者

說文云日明也

詰云法也單者詩箋云盡也言成明子之法度乃盡明
堂之盛德昭子謂成王詩維天之命云我其收之駿惠
我文王箋云我其聚斂之以制法度以大順我文王之
意謂爲周禮六官之職也引此文馬注見釋文以單爲
信者詩天保俾爾單厚釋詁某氏注作宜毛傳云單信
也鄭注見詩維天之命疏云成我所用明子之法度者
以考爲成昭爲明刑爲法也云乃盡明堂之德者以單
爲盡文祖爲明堂見上注大戴盛德篇云聖王之盛德
人民不疾六畜不疫五穀不災諸侯無兵而正小民無
刑而治蠻夷懷服人民疾六畜疫五穀災者生于天天
道不順生于明堂不飾故有天災則飾明堂月令春木
夏火中央土秋金冬水皆言盛德所在天子順四時五
行之德以出治是明堂之德也云祀五帝者月令春帝
大暉夏帝炎帝中央帝黃帝秋帝少昊冬帝顓頊是也
大暉之屬五人帝配明堂五色之帝卽黃神斗赤熒怒
白招拒叶光紀靈威仰之神鄭以此文云刑卽是法度
故但舉大暉等人帝不及天帝也郊特牲疏云五帝稱
上帝孝經曰嚴父莫大于配天下卽云宗祀文王於明

堂以配上帝帝若非天何得云嚴父配天也而賈逵馬融王肅等以五帝非天唯用家語之文謂大皞炎帝黃帝五人帝之屬其義非也據此是知賈馬唯言明堂有人帝鄭於此雖言人帝尚有天帝也云周公制六典云云者周禮太宰掌建邦之六典一曰治典二曰教典三曰禮典四曰政典五曰刑典六曰事典盛德篇云明堂天法也禮度德法也所以御民之嗜欲好惡以順天法也冢宰以成道司徒以成德宗伯以成仁司馬以成聖司寇以成義司空以成禮六官六政以御天地人事據大傳居攝六年制禮而小雅斯于疏引鄭志荅趙商張逸二條皆謂周公于洛邑建明堂是制禮用明堂法也云就其法度謂就大皞等五帝之法度損益之者馬氏注論語所損益云

謂文王為寧王成王亦謂武王為寧王此一名二人兼

之疏 年當為拜見上疏志同祕廣雅釋詁云勞也又見大誥言使我來勞慰殷民乃以寧王之命書疏引

顧氏云文武使我來慎教殷民我今受文武之命以安
民也鄭注兄詩何彼穠矣疏以寧為寧王謂兼文武者
周公謂文王為寧王大誥君奭皆有其文云成王亦謂
武王為寧王于尚書無其文而鄭言此者周書度色解
云武王曰我南望過于三塗我北望過于有嶽不願瞻
過于河宛瞻于伊洛無遠天室周本紀云王曰定天保
依天室悉求夫惡貶從殷王受日夜勞來定我西土我維
顯服及德方明自洛汭延于伊汭居易毋固其有夏之
居我南望三途北望嶽鄙顧詹有河粵詹維伊無遠天
室營周居于洛邑而後去則營洛乃武王之意此誌殷
乃受命于武王也 予以秬鬯二卣曰明禋拜手稽首休享 注鄭

康成曰禋芬芳之祭曰明禋者六典成祭于明堂告五

帝太皞之屬也 疏 秬說文作鬻以秬為或作字云黑黍

釀鬱草芬芳使服以降神也詩江漢云秬鬯一卣傳云
鬯香草也築黃合而鬱之曰鬯箋云秬鬯黑黍酒也謂

之鬯者芬香條鬯也疏云禮緯有拒鬯之草中候有鬯
草生郊皆謂鬱金之草也周禮鬱人凡祭祀賓客之裸
事和鬱鬯以實彝而陳之注云鄭司農云鬱草名十葉
為貫百二十貫為築以養之饌中停于祭前鬱為草若
蘭說文同又云一日鬱鬯百草之華遠方鬱人所貢芳
草合釀之以降神鬱今鬱林郡也占者釋器云中尊也
禮者周禮大宗伯以禋祀祀昊天上帝注云禋之言烟
周人尚臭煙氣之臭聞也休者釋言云休慶也享者釋
詁云獻也拒鬯二占者明堂祭五天帝以文王配祭五
人帝以武王配各一占也鄭注見周禮太宗伯疏及書
疏云禋芬芳之祭謂以拒黍釀鬱草有芬芳也云明禋
者六典成祭于明堂是明禋以明堂得名周禮大宗伯
以禋祀祀昊天上帝則禋是祀天地之名五人帝配五
方天帝并昊天上帝為六天故知禋是祭五帝也文武
亦配食于明堂下又祭其廟者

王武王 **注** 鄭康成曰既告明堂則復禋於文武之廟告

成洛邑

疏

宿者詩傳云一宿曰宿言不敢宿謂即以文王配天帝武王配人帝而祭於明堂上文云

桓鬯二首一祭天帝文王一祭人帝武王也云禮者配

天之名偽傳以上明禮與此禋文明為一事或用古說

也鄭注見書疏以上明禮為既告明堂云復禋於文武

之廟者周書作維解有大廟宗宮考宮注云大廟后稷

廟二宮祖考廟考廟也据此是洛有文王武王廟詩情

廟序云清廟祀文王也周公既成洛邑朝諸侯率以祀

文王焉是其事也不及后稷者大惠篤敘無有違自疾

事格于祖廟經義皆然示成先志

疏惠者廣雅釋詁云仁也邁者釋詁云遇也疾者詩思

齊云肆戎疾不殄傳云故今大疾害人者自者詩傳

云用也言以仁意厚敘其臣民

無或于所遇之人用疾害之政

萬年厭于乃德

注馬融

曰厭飫也殷乃引考

疏釋詁云引長也考成也言殷之士民萬年飽厭於汝德則殷其

延長有成也馬注見釋文云厭飫者說文云王侔殷乃

承敘萬年其永觀朕子懷德疏

王使殷民承順其敘自是萬年其長觀法我

周家子孫而懷其德矣

戊辰王在新邑烝注

馬融曰王在新邑絕

句鄭康成讀王在新邑烝疏

漢書律歷志三統云十二戊辰晦周公以反政故

洛誥篇曰戊辰王在新邑烝祭歲命作策江氏聲云戊

辰為十二月正當烝以為晦日則非也大傳云周公攝政

五年營成周七年致政則召誥是攝政五年事洛誥乃

七年時事劉歆以召誥與此篇為一年內事而據其三

月丙午肫以推此戊辰為十二月晦以聲推之戊辰蓋

十二月之十二日鄭以經文二月既望為一月下文丙

午肫是二月則七年十二月丁巳朔戊辰乃其十二日

此鄭說也烝者周禮大宗伯云以烝祭冬享先王釋天

云冬祭曰烝馬鄭讀見釋文烝下無祭字書疏云

鄭以烝祭上屬江氏聲云烝下不必言祭歲文王駢牛

祭舉春秋文為証云釋文是也今從之

一武王騂牛一王命作冊逸祝冊惟告周公其後**注**鄭

康成曰歲成王元年正月朔日也以朝享之後用二特

牛禘祭文王武王于文王廟使史逸讀所作冊祝之書

告神以周公其宜立為後者謂將封伯禽也是非時而

特格祖廟故文武各特牛也冊一作策**疏**祭歲者謂歲

朝享之禮祭於祖考告嗣位也騂即說文解字周禮牧

人云凡陽祀用騂牲毛之注云騂牲赤色檀弓云周人

尚赤牲用騂即大傳所云易犧牲也前文不言牲色蓋

稱殷禮則用白牡矣為周公立後必於廟者祭統云古

者明君爵有德而祿有功必賜爵祿于太廟示不敢專

也下文云王人大室裸則此當在明堂明堂亦云文王

廟也告嗣位畢卽可封周公後蓋一日之事俱卽在明
堂詩維清疏引洛誥此文及鄭注而云彼言正月朔日
與此祭祖告嗣位同日事也此言以朝享之禮彼言禘
祭文武者此言卽政助祭是王自祭廟告已嗣位彼祭
文武謂告封周公此二禮必不得同也何則身未受位
不可先以封人明是二者各自設祭當是先以朝享之
禮徧祭羣廟以告已嗣位於祭之末卽勅戒諸侯事訖
乃更以禮禘祭文武於文王之廟以告封周公也案詩
疏以徧祭羣廟告嗣位乃更禘祭文王廟失之鄭注見
詩維清疏云歲成王元年正月朔日者上文烝是冬祭
於烝下言祭歲明是冬後改歲有事而祭此時周公旣
反政則成王卽政及封公後二事皆當于歲首行之故
知是元年正月朔日也云朝享者鄭注周禮司尊彝云
朝享謂朝受政于廟云禘祭文王武王於文王廟者此
禘非謂三年一禘之祭止取義於禘之言合文武異廟
而合祭自當遷卑就尊故知於文王廟也云使史逸讀
所册祝之書者逸與佚通史其官借周公太公召公俱
爲成王四輔者也云告神以周公宜爲後者以言祝册

故知是吉神謂文武之神也云謂封伯禽者伯禽周公
子魯公也公羊文十三年傳云封魯公以為周公主是
周公其後謂封伯禽也偽傳以烝祭歲為句舍為一事
失之鄭云禘祭文王武王於文王廟似即明堂也冊律

歷志作策**王賓殺禋咸格王入大室裸****注**馬融曰大室廟中

之夾室**疏**王賓謂助祭諸侯郊特牲云諸侯為賓灌用

者謂殺牲禋者堯典禋于六宗大傳作煙注云煙祭也殺

字當為禋孰受禋表亦作煙山堂考索引三禮義宗云

禋煙也潔也精也釋詁云咸皆也格至也大室者明堂

中央室亦曰大廟詩斯干疏載鄭志荅張逸引洛誥王

人大室一條言周公于洛邑建明堂宗廟王寢皆為天
子制裸者周禮大宗伯以肆獻裸享先王注云裸之言
灌灌以鬱鬯謂始獻尸求神時也周禮小宰之職凡祭
祀贊王幣爵之事裸將之事注云裸謂贊王酌鬱鬯以
獻尸謂之裸裸之言灌也明不為飲主以祭祀唯人道
宗廟有裸天地大神至尊不裸莫稱焉禮器云裸用鬱

明堂位云禋用玉瓚大圭案此云入大室禋大室明

也云王賓助祭諸侯也明堂之祭以祖宗配享天

文而有禋禮則鄭云天地大神不禋未詳也馬注見釋

明堂中央左清陽右總章夾之也王命周公後作册

送諸注祭統說禘饋之施云祭之日一獻君降立于阼

命封伯禽為周公後作冊書王南鄉周公北面伯禽

後之亦北面史逸由王右執册誥之皆降拜册受册公

年文十三年傳云封魯公以為周公也周公拜乎前魯

公拜乎後曰生以養周公死以為周公主詩魯頌云王

日叔父建爾元子俾侯于魯大在十有二月惟周公誕

啟爾宇為周室輔蓋其誥詞

保文武受命惟七年注馬融曰惟七年周公攝政天下

太平鄭康成曰文王得赤雀武王俯取白魚受命皆七

年而崩及周公攝政不敢過其數也

疏

經言在十有二月則周公居攝

周七年也此上文言祭歲則是成王歲朝即政而祭也故此于篇終記公居攝之年數必言十有二月者明終是歲乃而七年也誕者釋詁云大也保者詩傳云安也馬注見釋文鄭注見詩文王序疏周禮天官序官疏云文王得赤雀者尚書中候云周文王為西伯季秋之月甲子赤雀銜丹書入豐止於昌戶王再拜稽首受最曰姬昌蒼帝子也殺者紂也注云稽首頭至地也最要者也已上中候見詩文王疏及周禮大祝疏文王世子疏等書云武王取白魚者見大誓文王九年崩見周本紀管子小問篇云武王伐殷克之七年而崩云周公攝政七年者周書明堂解韓非說難二篇淮南齊俗訓皆言周公居攝七年與鄭合也鄭氏用衛宏說武王崩成王年十歲武王喪畢時年十二周公辟居東都時年十三遺雷風之變時年十四明年迎周公年十五封康叔時年十八及政時年二十一明年即政年二十二也若史公以武王崩時成王在襁緥則與鄭說又異賈誼新書

修政語下云周成王年二十歲卽位享國親以其身見
於粥子之家而問焉與卽政時年二十二之說又異蓋
古文說無周公
辟居二年也

洛誥第十九終